

舊歷丁卯年十一月念五日

聶氏家言旬刊

民國十六年十二月十八日

第百四十七期

目錄

十大礙行

覆曾伯庵表兄兩書

光坻姪來函

上海遼陽路聶宅發行

十大礙行

元妙叶禪師寶王三昧念佛直指云。詳夫一心平等。體性無虧。雖纏綿於業識之中。靡不有出纏之志。方欲究道。魔境先彰。一事虧心。萬善俱失。成小敗。廣得者還稀。况乎物欲交領。死生遷變。遞相做效。易地皆然。使如來三大阿僧祇劫。不惜身命所得法門。因茲障礙。退其心。故一旦在我而滅。可不痛傷。既為釋迦之子。不以力爭。坐令法界羣有。永失慧目。甚於割切身肉也。今依經立十種大礙之行。名十不求行。

此十攝一切礙。惟上智堪任。中下之人。不敢希冀。若照察覺悟。省身體道。持之不失。則能入諸魔界。不為羣魔阻傷。循諸色聲。不為色聲惑亂。乃至憎愛利名之境。人我得失之場。我心先居礙中。彼礙豈能為礙。礙若無礙。道行可以直進。

一念身不求。無病身無病。則貪欲乃生。貪欲生。必破戒。退道。知病性空。病不能惱。以病苦為良藥。

二處世不求。無難世無難。則驕奢必起。驕奢起。必欺壓一切。體難本妄。難亦奚傷。以患難為解脫。

三究心不求。無障心無障。則所學。躡等學。躡等。必未得。謂得。解障無根。即障自寂。以障礙為逍遙。

四立行不求。無魔行無魔。則誓願不堅。願不堅。必未証。謂証。究魔無根。魔何能繞。以羣魔為法侶。

五謀事不求。易成事易成。則志存輕慢。志輕慢。必稱我有能。成事隨業。事不由能。以事難為安樂。

六交情不求。益我情益我。則虧失道義。虧道義。必見人之非。察情有因。情乃依緣。以弊交為資糧。

七於人不求。順適人順適。則內必自矜。內自矜。必執我之是。悟人處世人。但酬報以逆人。為園林。

八施德不求。望報德望報。則意有所圖。意有所圖。必華名欲揚。明德無性。德亦非實。以市德為棄履。

九見利不求。需分利需分。則癡心必動。癡心動。必惡利毀己。世利本空。利莫妄求。以疏利為富貴。

十被抑不求。申明抑申明。則人我未忘。存人我。必怨恨滋生。忍抑為謙。抑我何傷。以愛抑為行門。

郵局掛號認為新聞紙類

本刊每年取費二角

右第一句為標起。第二句反明病根。第三句詳列病證。第四句出正義。第五句顯力用。

明藕益大師十大礙行跋云。佛祖聖賢未有不以逆境為大。爐鞴者佛四聖諦苦諦居初。又稱八苦為八師。苟稍存喜順。惡逆之情終與夏草同腐而已。安能如松柏之亭亭霜雪間。哉。美玉不琢不成器。頑金不鍛不致精。鐘不擊不鳴。刀不磨不利。豈有天生彌勒自然釋迦。欲為聖賢。佛祖必受惡罵。如飲甘露。遇橫逆如獲至寶。方名素患難行乎患難。方可於穢土植淨土。因方如蓮出淤泥。超登不退。倘無事則駕言念佛。求生淨土。一遇不如意。輒悔慍咨嗟。吾恐三昧不成。生西未保。須於此十大礙行。一一自驗。果於病時難時。乃至被抑時。唯增念佛。心明苦空。觀不尤不怨。庶幾蓮華日滋。可稱三昧寶王矣。

右十大礙行。為吾輩凡庸對治心病之良藥。當人人寫粘座右。時時警策。世間法出世法盡在是矣。弘一大師慈悲心切。書此條幅。李榮祥居士取以影印。送人茲先錄登本刊。并擬將來重印多本。以廣流通。其杰識

覆曾伋庵表兄書

鑒台

環天居士大鑒。頃自蘇歸。讀 手示。敬悉一一。念佛愈疾。足徵誠感。弟非以念佛求愈病為不可。但謂不當責效而後定信仰之宗旨耳。求佛愈病。雖非學佛人之事。然已入正信。自應有佛力之感應。若責效後信。則是以物質視佛法。而初無所信仰了解。則不能有靈感矣。至有欲而為善。有畏而不為。

惡恆人之情。聖人且利用之以循循誘人。言善惡慶殃之故。趨吉避凶之道。佛之詳言因果。亦猶此意。宋儒之不達聖意者。始高言道妙。不顧實際效用之如何。其流弊遂至羣相率而為偽。至真實之孝弟忠信。反須求之少讀書之愚夫愚婦。口稱菩薩心畏閻羅者。此事實之彰彰不可掩者也。弟嘗屢為文發揮此義。欲人知學佛字為切已實在受用之事。彼放言高論。或悠悠過去者。徒自誤耳。人身難得。光陰不再。我兄既得聞佛法。而信其非誣。足徵夙根深厚。機緣成熟。幸勿視為應酬敷衍之事。從此痛著祖鞭。勇猛精進。俟得真實受用之時。然後回思前時曠觀社會。真為醉夢中人也。承命率復數行。乞恕狂直。此請慧安。

再覆曾伋庵表兄書

環天居士慧鑒。頃奉賜覆。弟又不能無言。我兄以無徵不信為說。此當視其所謂徵者為如何耳。西人及一般科學家之不信佛。皆執無徵不信之說者也。假令如兄說。則宣傳佛法當以近徵小效為驗。則宣傳孔子之道者。無愈病之效。將如何。夫學道者。功效皆不可急觀。大抵小樂小利。常人之所視為利者。非知者之所視為利也。不惟不以為利。且視為害。故佛言病為善知識。蓋人每因疾病困苦而深思。而悔過。而修省。以至於入道。則疾病非吾之善知識。良師友乎。佛又教人勿求生天。寧生人間。以人世多苦。苦則有悔省覺悟之時。生天則有樂無苦。而無警懼省覺勇猛精進之機會。證以孟子所言。德慧術智存乎疾。疾則病為善知識。誠有道之言也。

弟回想少時不敢放蕩爲惡。亦因病中警惕。及體弱不敢妄爲。以此足見有病非禍。病去非福。而吾人凡庸之所見爲利害者。乃非利害之真。佛與菩薩。豈能因求世人信彼之故。一徇其顛倒謬妄之見解。而示以神通哉。其偶有之。則亦因本人夙世善根機緣成熟。及其誠信所感。而佛菩薩隨緣點化之耳。故學佛須具有夙世善業因緣。或今世善業助道之力。其終不了解佛義。不能起信者。亦緣多生惡業之障蔽故也。來函以無徵不信爲準衡。抑知具善業因緣者。不待自徵而信。讀善書鑒別真偽。知前賢之非誣故也。業障重者。雖有徵而終不信也。例如今日以病愈爲徵而信。他日有病而又不信矣。且凡言徵。必見其大者。遠者。又不當徒以一己耳目之所及爲徵。而當以古今賢哲所驗所述爲徵。如來函所言。若病愈則爲有徵。否則爲無徵。而不信之。換言之曰。若我病不愈。則佛說爲妄。古人種種筆記所載靈感皆誣也。然來函又述文正公所感靈異之事。則是我兄以爲有徵矣。既以爲徵而猶疑。更待以我不正之見。解試驗之。且雖有驗而我之信否不定。則是有徵不信。非無徵不信也。世之不信佛法者。皆自謂無徵不信。實皆有徵不信者也。徵則已多矣。而仍不信者。以信之則於己之嗜欲習慣行爲多所不便。故欲硬著頭皮到底言不信也。抑思我雖不信而徵則自在。造因結果。如影隨形。不因我之不信而能改其果報之事實。世人乃爲不欲目前之小不便。如德慈室悉克已復禮皆不欲便於己之事人情之所不欲也而終至不免日後之惡果。不亦大可哀哉。來函末言病愈

則進而素食。病翻則並日課停止。以全我無徵不信之本懷。雖屬我兄諷誥之常態。然此事詎可以諛諧了之耶。此等口調出之宴樂場中。則羣相撫掌稱妙。以爲是對付彼迂腐好勸人吃素信佛者之妙法。而真關愛我兄者。則大爲悲感。夫我兄之所爲。具此態度者。仍以無徵不信故耳。然待徵時信已晚矣。善兄所冀望者。爲病愈之徵。願日造病因而欲病愈。違反佛義而冀佛佑世間無此情理。而佛之啓示人者。或在彼不在此。所謂病爲善知識以引起人之省悟之類徵已見矣。而謂爲無非佛之咎矣。譬之兒童。其信同輩損友之誘惑。易信父母師長之勸化。難如飲食游戲嗜欲等等。信誘惑則快意之事可立致。是有徵也。從親師之訓。則是等等皆不可行。又須非其飲食惡其衣服卑其居處。儉其用具。勞其筋骨。苦其心志。勤其學。修日如是。則可得受用。可有成就。可立功名。然而兒童鮮有能聽之者。謂其無徵也。又訓之曰。快意縱情於飲食游戲嗜慾。必至傷身敗德。致貧亦不肯信也。爲其無徵故也。夫豈真無徵哉。他人之徵。非我所親歷。遂謂無徵也。而其敢於謂他人之徵爲不足信者。實以目前快意從欲之徵。較便於己之習性故也。而自老成人之眼光觀之。則於其飲食游戲嗜慾揮霍。已具傷身敗名失德致貧之徵。不待指證。某家某人之事。驗而後爲有徵也。青年兒童。則雖明見某某之事。驗而不見其爲徵。以其非己身親驗故。我兄所謂無徵不信者。有以異此乎。無以異此乎。弟所爲悲感者。此也。狂直之言。出於肺腑。所望鑒其愚誠。留此函一再省覽。并賜教正。實深感

幸。弟其杰啓

僕庵兄慧業深植。善根夙厚。近多疾苦。予勸其學佛。先從早晚十念入手。即每早起身每晚就寢時。默念南無阿彌陀佛。南無觀世音菩薩各十聲也。謂由斯漸進。自得受用。僕兄欣然照行。數日宿疾大愈。馳函見告。并有所辯論。右爲予兩次覆函也。日昨晤兄。頗蒙嘉許。深以予第二函爲然。茲將原函摘錄於下。

第一來函 雲台三弟左右。兄早夜宣南無阿彌陀佛。尊號十聲。日間隨意念之。記兄常時曾云。有病數端。求佛力愈之。比時吾弟頗不謂然。今則三病已愈。其二咳與呃逆。念二日頓愈。可謂奇矣。世間中智少而庸愚多。大抵有缺。望而無可呼籲。則求之於佛。使持有心爲善。雖善不賞。說則庸愚無所適從矣。故兄以爲凡以正義求者。皆得成就。爲私利損人之事。求者則否。此皆上徵之歷史。下證之民俗。而確無疑義。不僅一身之病。愈爲眼前指點也。

第二來函 雲台三弟左右。弟謂不當責效。而後定信仰。僕即以須任人責效。後定信仰。爲我佛廣大法門。世間宗教及淫祀多矣。因其無效。然後去彼入此。朱子早年泛濫。二氏。晚則排斥二氏。由不獲徵驗也。文正公在襄河遇。泡沙甚險。誦觀音獲免。寫靖毅公主。空中來旃檀香。皆見公自述。由有徵驗也。信仰以爲有者。悅恍迷離。有何益處。惟信仰以爲靈者。雅之則謂如在左右。俗之則謂報在眼前。

無論智愚賢不肖。直以頭上隨時之章施。課心中俄然之善惡。理必勝慾。可斷言也。徵驗固隨時有之。第味者泰山立於前而不見。疾雷震於耳而不聞。反謂鬼神爲不可知耳。(下略)

光坻姪來函

三伯大人尊前。敬稟者。頃讀旬刊家庭集益會之近狀。文心殊不安。竊思姪平時在校。不克到會。亦有時在家中而未赴會者。由於怠惰所致。實非所願。今讀祖母大人諭。益滋慚悚。自悔怠逸。坐失聽講之良機也。姪誠信。每次開會所講。爲切實適用之言。姪嘗數與弟兄輩辯論集益會之價值。可証斯語之有根據。家中有學問道德如大人者。爲吾輩演講。實吾輩後人之大幸。苟不能感覺所講之真趣。或竟視爲不合時代潮流。不僅負大人盛心。卽外人亦將以我輩坐失良機而長嘆息矣。竊思我等在校者。理應按月回家一次。專誠赴集益會。裨益實匪淺鮮。至素不常與會之各位。亦盼能常到會區區寸心。望共鑒之。自此以後。姪回家之日。必到會。不肯忽略也。又大人答葛君書。議論平允。發揮精透。於駁唯物主義之言。針針見血。語語確當。姪雖不信極端唯物主義。然喜稱道科學及新文化之功。讀此文後。始自覺前此思想之淺陋也。(下略)